

集部

學古緒言卷二

侍讀臣孫球覆勘 校對官中書臣吳總校官知縣臣緣

俊琪

信

腾稣监生臣張

欽定四庫全書 學古緒言 提要 **芳號嘉定四先生然嘉燧以依附錢講益得** 字子柔長洲人隆萬間貢生早從歸有光游 明史文苑傅附載有光傳中稱其與唐時升 程嘉燧號練川三老又與時升嘉燧及李流 臣等謹案學古緒言二十五卷明妻堅撰堅 集部六 别集類五 明

火王四事全与 一

學古錫言

能以真樣勝人亦可謂永嘉之末得間正始 其文沿溯八家而不勒襲其面貌和平安雅 以堅為冠盖明之末造太倉歷下餘焰循張 光之傳而能融會師說以成一家言者又當 未可同稱至三人之中時升流芳雖均得有 公安竟陵新聲屢變文章良椒莫甚斯時堅 以鄉曲儒生獨能支柱頹瀾延古文之一 名本非端士核其所作與三人如蕪設倚玉 ちへとしりして 一人から 一見 恭校上 篇士禎特偶舉其一也乾隆四十五年五月 為真古文今觀是集大抵具有古法不但是 之音矣王士禎居易錄當稱其長慶集序以 學古緒言 總 總養官紀的臣母能 孫士毅 校 官臣陸 貲

金少口及人 提要

それりはんまう 関 都自以名不甚者 學古緒言 於皇甫諡自是級丈之士 `夏之序詩其後劉向 文極雅馴矣左思既 明 妻堅 撰 為也馬異甫從予遊未冠即好古文解嘗欲募工合刻 次於穆宗朝題曰長慶集惜其傳之久而不無漫應以 多有託於人以傳者皆汲汲於名而唯恐人之不吾知 人工工匠 人工 游揚之解皆吾所不取也唐之文章至元和而極盛矣 之述者非追論昔賢妄為優劣之辨即過稱好事多設 也至於其傳既久刻本之存者或浸滤不可讀有稱寫 元白二氏創為新體以相倡和各極才人之致皆以編 而重刻之則又復序之是宜飲所以刻之意可也而今

巴勤矣然考唐書藝文志元氏長慶集凡一百卷又小 往復之書固巴平見其所志矣則雖不為之我可也世 亦不序其遺文何數當白在潯陽元在通州時其寄詩 官之日年僅喻义將有待而未服毅後白為銘墓而終 所傳集刻於宋宣和中建安劉氏收拾於缺逸之餘功 謂極備而卒未嘗求飲於白者豈自越移鄂以至於卒 くろうシャンこう 自元始而以序見屬予觀微之序樂天集稱其所長可 以行於世而尤以微之之文世人知愛之者尤少乃刻 1 學古緒 -

集者又可知也嗟夫昔之君子所以疲耗心力於言語 於前盖詩之亡者已不則如其所傳則他文之不見於 餘共三十卷又他文三十卷類次既非其舊卷帙半減 集十卷而所與白書自叙年十六時至元和七年有詩 免好匹人生書 巴雜見於集矣而古詩不過百三十餘律詩不過三百 其二十餘年之作也計其還朝至殁不知復幾百首今 文字之間者蓋多以不為時用而優游於筆硯以舒寫 八百餘首凡十體二十卷七年已後又二百五十首此 

識時務及其見於行事尚且減裂無足怪者間或沾沾 學未有甚於今日者也幸而得志於有司則又自多其 そいうる 人子の 才以謂雖不學而可試於用反詆好古之士為潤遠不 頓之餘躁於求進比之樂天懸矣然吾以其言求之知 為經世之大業哉如元氏者世多訾其為人蓋推折困 馬欲以言語自見則皆浮游無用之解耳夫孰知文章 其感憤無聊之意故其文之多且工者是士之淺陋不 其卓然有可用於世者未嘗不為之數惜馬至拾巽甫 學古緒言

為考其歲月而附見當時之事不亦已勤也數 之用心於斯文旁搜博采尚力所及殆無一字之遗且 矣竊嘗尚論其世以謂二君子當元和長慶之間以才 為文者元序之詳矣子之合刻二氏者簡已具言其聚 白氏集較刻完而異甫復屬予序其端予曰白之所以 力敏膽相敵相推無倡不和少或二韻多至千言實詩 人次韻之所從始其於作者之指無所不窺而尤以杜 白氏長慶集序

論事必不能以一毫之媕阿少徇乎人者雖時見於言 達人之高致而至於公之忠誠鯁亮敢於劇上而切於 也世徒知論公於出處之際蓋進而幾於大用者屢矣 篇则夫以聲調格律而論其髙下者亦未為深知之者 言矣觀白公之所以自見其意者尤在於諷諭樂府諸 子美為宗師雖渾涵雄偉未足庶幾要為能言其所欲 CANDID KIND 而公每何翔客與終於乞身以行其志雖以牛李之相 公居其間頗不為季所容而卒能不受其禍以是 學占緒言

詩文且曰見便當愛此豈宰相之語哉蓋於是益知晉 故有纖芥於樂天也李衛公一與牛隊遂至不欲見公 全者矣公害有詩云麒麟作脯龍為醢何似途中曳尾 之樂數然無問吾意如晉公者即微之尚存必不以元 語文章而世能知之者鮮矣抑吾於公尤自有感也當 公之贤遠於人矣予又以為非公恬於進取或以楊李 公之退居於洛裝晉公方留守東都數與同詩酒醮遊 後驟見用於太和開成則會昌之世亦或有不能自

をとううとう 愚蓋君在郎署時曹務頗簡意不欲以江山之勝博实 崑山王駕部淑士自南都還示予讀史商語便一軍其 免於見忌則予所以序斯文之意也萬歷丙午孟秋序 為大臣者但當若晉公之休休母使賢達如公而亦不 構於表思照之憾於李公皆與厚善而不能為之累而 達見稱有以哉故子嘗謂士大夫者能為公雖微之之 龜早退先知非徒言之實允蹈之終唐之世獨公以賢 讀史商語序 學古格言

意經世之學為世鍼砭而稍起現刻無用剽竊無根之 謙遊之敬而虚耗其心力也於是日**怡其同志以讀史** 之所不能違也而史於是馬重固得失之林而法戒之 沈痼豈非衰晚之厚幸與乃為叙之曰古今之變聖人 既受而卒業竊喜學術久壞之日猶及見士大夫能留 為事至秦漢而下記於五代之季必先求之正史而參 有編其考據詳而核其持論確而平其剖析簡而辨予 以司馬氏之資治通鑑錯綜其故而折衷之日有記月

傳也是故勝國之緒餘而與王必垂 紀録前人之膩否 益路駁然至於今而猶得論其世者固赖夫史之各有 並行於世非周監二代一何文之郁郁若是盛哉遷固 華授若春秋一經而公羊穀梁左氏専門之學凡三家 所從出也史盖莫備於周既經秦火而其書不盡傳漢 而後嗣弘為之飲次懼夫跡之湮而遂至於無可考耳 以降何代無史氏何國無史書至天下分為南北而史 初藏於民間者相繼復出於時老生宿儒往往亦口傳 學古術言

横贯穿一覧瞭然而學者欲知古今之變亦賴以有考 易得也哉通鑑之書會粹衆史而更定為紀年一編縱 表更好為新奇肯經叛聖幾乎不知所云而世且目無 矣其後儒者爭務標膀而高談性命以為多學而識仲 此誠王者所以垂憲百代之深意也顧其時代漸遠卷 尼所非吾第求得其本而萬事理矣一倡羣和至於今 衰浸繁即使家有其書或不暇於編觀又況其書尤不 日益超的簡成敗無考於前而是非紛出於臆獨於經

新定四年在書

實無可施用用之則必至於價事益項已微見其兆矣 鹽以西子識者憂之雖有資性警報頗知涉獵古今者 豈不可數也哉予情且為每顧影自熟所幸不為世用 というかんにい 由科舉而程武之文必由主司安知世無大人先生傷 語之編一出向之沈痼其有寒乎顧復念士人之習必 得藏其拙然數為年少有志者言之且以為弱令者商 而其力固未服也不過以資其談言潤其手筆而已而 今文敬而惕然有生心害政之憂言之於朝廷仍還經 學古緒言

於前代不亦勘學之盛事數則斯編也雖謂之才士之 鸣矢可也 必先於論策之文觀其識四六之文觀其學而經義則 義五題之舊使其一日之力無憂於不給而考文章者 友人許君伯隆以博覽强記有聲江南北久矣昨歲之 自奮勵濯磨為有用之學而文詞之髙雅亦可以無媤 但以理為權衡不必于繡其鞶悅也庶幾豪傑之士爭 麗句集序

幕復自黄州東下示予以所纂麗句集屬為序之盖上 濫觴於後漢而瀾倒於六朝以故實為鋪張差得炫其 溯春漢下逮隋唐其披攬博而詮擇精問以積日力幾 浮藻以援引為規切或未忤於福東代以相公久而益 何而成僅數月耳微獨才敏而功專良由途之熟也故 之所尚或匪同逢雖役質疑將無名鬧數夫四六之文 已荒性就服逸而腐毫久謝且幼之所聞養已成癖時 力有餘墜之明也故緒易就如子者年踰七十則舊學 ころうえ とよう 學古緒言

金牙四月八八百 做送乎此武侯出師二表彭澤歸去來詞所以超然獨 中歐陽變其少作三蘇曾王繼之而復尋中唐之緒顧 邁於流俗者也自後唐宋之初皆接踵前靡逮貞元中 調陳謝之篇數華振響<u>盖極追尋已乃盡出於馴雅至</u> 此非所論於儷偶之文也如以青華藻麗而己凡伯隆 昌黎倡為古文柳李皇甫和之而遠紹春漢之作天里 之作不迎異於時之人乎予考歐之初登第也所為投 之所詮擇皆其尤也雖然即以四六言之韓歐諸君子

裁盖於斯文有深憂馬嗟乎文之椒於前代也以浮以 流而窮源得魚兔而忘筌蹄是在善讀斯編者而已 為據華者搜材也可謂鉅且麗矣功不亦偉乎若夫溯 採明月於碧海鮮有類馬抽上來於列腳無或蹶馬其 靡而其敞於今日也以贋以魇獨四六之文猶為去之 復能繼且以前後得相及為幸此豈過為譽而重自暴 其稱蘇氏父子能以四六述飲委曲精盡正恐此後無 人とりるという 一 未逐益其在儷偶音響之間乎今者伯隆之編出譬之 學古緒言

合以忘其病去則澹然獨居發篋陳書而婆娑其間少 亡可作可較而即以寄吾心者獨書而已往往客至語 昔之勤者以為今日所須唯樂物耳而草木性偏吾疾 謂益多者也欲以樂吾偏而樂之偏愈甚求其若存者 而既偏矣豈宜力與之爭其唯作無益以悅有涯乎當 余友沈公路自頃歲積痾無復當世之意若遂忘其疇 一寄情於絲竹馬初若有適久之則又憬然悟曰此所 小字録補序 で人でううる へきす 一覧へ 之也而别命之小名子未有知也聞呼其名則應之以 |益如此也當夫乳哺孩提之日.顧之復之不勝其愛憐 六而又有字以尊其名自童子而漸教之以成人之禮 見其概馬嗟乎父母之生子也甫三月而命之名年十 已凡人品之高下與時事之得失而與亡之鑒戒亦各 而霍然可知也予以謂君之為此編非獨以廣異聞而 **暴小字録補有向之適而無其勞徐徐于于食敢有加** 疲即又置之以為常無幾何而蟲天志成矣又未幾而 學方緒言

幸有子馬而已吾父吾祖之幸有後馬而已不忍其賤 以報也鼎食不足以為養公鄉不足以為崇而必且貽 斯尤君子之異於盾聚人也而為之子者亦必思其所 且貧也則犯之以貴富其幸而遭時也則又望之譽聞 笑至於能言而唯阿能行而步超且教之誦詩教之舞 今名卓然與流俗異趣而後可以無負於吾親此 舞象愛彌深則誨彌殷而防閉之彌切夫豈獨曰吾 而功烈者唯恐其一失足而陷於不義以為父母羞

シグロル へつ

也數而及其變也富乃不如其貧貴乃不如其賤是以 所為如封豕如長蛇如妖狐射工猶忿忿為當時之人 無聞與鳥獸草木同朽腐者益不足論也夫孰使百世 子之大孝也盖自童稱而逮於衰老中間所蚕作夜休 怒目而切齒者乎嗟乎贱不如貴貧不如富夫非恒情 而下誦其言語考其行事而想像如景星慶雲和風甘 以自效於時以有傳於後未有不自命名始矣其尋常 かいうう とう 雨海涵而岳岭者乎又孰使聞其姓名則唾且罵迹其 學古緒言

遺臭一 矣是可以為孝矣者夫公路之意以為疾吾無如之何 名乎可不慎乎此其所以補是録之微旨也吾行當見 也有慎之而已所以慰二親於地下又孰為大乎名乎 子之論孝曰父母唯其疾之憂益其所不憂有大馬者 君子必顧名而思義也而沒沒者乃謂不能垂芳亦當 之疾雖勿藥可馬 何不爱其名之甚也夫獨非人子乎哉昔者夫 重刻衍極序

子グロトノニー

したのうらんにする 未見也季礼墓碣豈其然乎其次書要者法也而篇首 壁旅古文豈無雜揉何知尼父緣飾為之比于盤銘所 微眇上遡篆籀下逮隸分有递必收有蓄必奇當得元 沈行叔年甫喻冠而富有六書之學其所剖析務極於 **鹊聲意在尊元訓纂湾喜於法無當書衝較近包蒙吾** 序見屬書凡五篇予得而論次其概馬首言至樸原始 也而所列十三人下逮伯高君謨同稱作者疑非其倫 人鄭子經衍極一編有當於心將刻而公之同志很以 學古緒言

海碑記告以作俑創為此論良所服膺然實是僧懷仁 成文設為問答竊比子雲又次古學觀其持論獨於北 最後天五行極所由名也其論石鼓夾祭是憑刀漆之 飛白作草亦旭素渴筆之遗也曾見數帖筆似勁耳結 髙 不知其要也又次造書似與前二端複采摭往籍摹擬 字豈能望素奴僕之前得無過數南宋而後何足置評 張草顏正誠務極筆勢不拘晉法而自臻其妙莆陽以 正臣始也虞歐及褚自晉而變各擅厥長未可輕議

少之日子 文入之今隸是循却胡床而還席地脫巾帽而冠竹皮 亦可無以沒恆幾矣然而好古之士或遂欲以篆籀之 言博洽而問之六書茫無所解使家有是編人知書學 脫尤極分明閣帖之辨於好事家眯目庶有寒乎鄭之 出是固然矣而寸以內字法在掌指寸以外字法魚肘 辨可垂後來若夫用筆執筆謂蒙用直分用側隸乃間 無乃生今反古有戾同文之化乎 此書文辭頗簡得劉之釋其用乃弘行叔以為世人侈 學古緒言

聲於時者不為少矣然至言世澤故家聚族而居即甚 **疎遠猶與同其休咸則邑不能數姓族不能過百人也** 吾吳之人以文學為世所推重士大夫任而登朝有名 不可得也問之則曰世遠而湮已矣或有以鄰郡邑相 此唯吳為然雖世所號為能文章者殺一見其譜牒而 **拟為同宗則其人非貴即富終不及於贱貧往往反** ,所辦笑友人徐汝益傷之念其世之遠而族屬之 徐氏宗譜序

且以自見其志亦良可尚已蓋子當深思其故以謂吳 速於當世凡一言之合成録而傳之永以為子若孫訓 口鄙口奢奢則不務循乎分故益冒於利鄙則不務潔 自中材而下皆可使口誦耳聞而入者上自經史而下 繁也不早為之譜後將遂至於湮乃以再從父原和先 人之不能聚族者非其性然習俗使之也俗之失有二 之辭與夫碑志之文悉附於後而又以平日誦讀所得 生之命做蘇氏族譜而敢之加詳集録累世所得錫命 1、方者1

泊然自守家傳儒雅之風人盖綺納之習其能使族之 然而詩書之澤遠矣如予所交汝益兄弟多敦行好學 變其俗則何族之能聚哉徐氏自中丞公父子皆以獨 雖親兄弟或不如僮奴也及勢去家落遭不肖子荡然 人不作而奢且鄙也決矣又邑唯徐氏能行宗法故有 用之年致其官歸為當時所重後世子孫雖不甚貴顧 不復顧其家世客有不再傳而去為人奴者矣嗟夫不

銀定匹库全書

乎名故輕去其宗凡贵盛之家所賴其力而與之暱者

雖耋老炎逸陪其後唯謹每歲之朝宗子者必蚤作而 祠堂在遺第左偏歲時當再合饗必以宗子主之諸父 受宗子之賀盖邑唯徐氏一姓能如是而已今汝益又 待事及禮成諸父必先升宗子之堂行賀歲禮然後還 能為之譜以遺於後吾知徐氏之族不湮矣敬為序其 以此徵之矣 邑而及於凡吳之人庶有與乎子曰徳不孤必有鄰吾 以致欣慕之私馬且曰自徐氏而及於邑之人自 學古緒言

金穴四库全書 家之疏導之以求用之途則已離況復縣其外也而目 尚有類好辯而求勝者況於近代儒者乎至束之以一 信其遺言以教於後世盖孟氏其醇矣然其詞旨激見 平實切近之旨不可以玄遠求也生乎夫子之後而尊 夫學孔氏者必之乎論語論語之書皆聖賢所與問答 為才倖其得也而矜為巧則彌甚其又可望於雅馴耶 友人王辰玉傷之以謂紛紛之是非其卒無定乎抑自 論語駁異序

臨役以屬其子時敏曰此吾志之所存也以一華而障 是編閱諸家之言或得其解矣而世未必知也則揭而 廣莫之野入於 聚棘之林而徐行於方軌之塗必矣于 世之好為異者吾不服縱與之辨也必也站極其該您 得亦時附見於篇末方具草而疾作病三年而竟以天| 而徐以一言駁正之庶幾盲者瞭寐者覺其不復墮于 有是非之至者手嘗試虚心而思之唯至當之求馬凡 · · · · · · · 行之或妄為解也而衆且同眩馬則難而絕之至所自 學古緒言

論語之終篇曰不知言無以知人也有能因是書以知 言數不然則學道用世之君子其果能勿憂也數如君 書而數以今政教休明後民用章而學術文章之散乃 金元四年全書 自守者欲以一言自見其意而尚未克也豈不可惜哉 之以俟夫真學孔氏者予既受其書及覆觀之喟然廢 在瀾其克濟乎雖草瓶未成汝其問序於吾友刻而存 之汲汲乎憂孔孟之將墜當世宜有賴馬顧其所確然 似日趨於安庸者何哉將孟子之所謂生心亂政殆空

太倉金氏績較刻四書集註而王太常敬美先生序之 意也夫德不孤必有鄰紛紛之論或於是馬定客可以 藏之必俟夫能知者而後出馬殆非君之所以汲汲之 大抵言近世無復小學故多不得其句讀音義而嘉績 君之言亦可以得其為人之概矣或有語其子益續而 之獨勤於是書也自處壬午距今三十年所板刻漫漶 厚誣當世也耶 クト うらいする 重較四書集註序 學古言言

者力故派遠而彌彰亦勢之所趨也間當讀王洪範傳 或盡廢專門之學創為獨斷而當時逐用以取士者王 竊以為非尚然者思一見其全書而不可得而勝國儒 之不廢者朱元晦之集注也盖介南以得君顯當時之 介甫之新學也或頗本師承之緒自許折衷而至今行 改定而重刻之來以序請予於宋之說經者得二人馬 不與者衆故驟行而旋廢元晦以講學名其徒之推崇 而讀者或續訂其批奸復得數條於是邑人周機虞輒

金好匹尼人言

古博雅之士似宜斟酌古今之間不容守其固陋而已 介甫之新學何異今之舉子業自當以朱傳為宗若好 世有等較漢唐之遺文如金氏周氏之於是書者子雖 ていりことにう一切 臣不能將順明主之德意而祖於所聞一切抹殺此與 去古尚近學有承受其說決不可盡廢當國初儒學之 人之經宜存衆多異同之說以待讀者之自得且漢人 盖有助馬而世亦莫之講也昔者聞通儒之論以謂聖 者若吳幼清金古前皆號為精詣其就時與朱相出入 學古緒言

章自漢東京漸以衰弱远於唐宋作者再振起之其才 其皆不足以語於古數子以為尚得古人之意雖降而 應試不害為古不然即規摹秦漢要為世俗之文耳文 昔人之論謂見董公孫皆有科舉之累然則應武之文 氣之秀傑與所自得於古豈減買馬二劉揚班之傳哉 老矣猶願執筆而陪其後 而或者乃謂古文之法亡於韓不知彼所謂古者何等 歸太僕應試論策集序 7

時之文力追大雅尤好左氏太史公書平生丹鉛其旁 乎後矣然至其得意於自王亦不多讓馬又言吾為舉 門人吾久不讀歐蘇文輒自謂庶幾及取讀之不覺瞠 **菁藻而唐宋六氏之作則皆所沈浸而取裁也問語其** 提要鉤立不啻數本雖繁簡少異要於先求指歸次及 子業信筆縱横而世多以為奇至為古文辭必謹於程 山歸熙甫先生少而塞於經術於注疏無所不讀厭薄 也蘇氏之幾陋於文而劣於識目以兒童信非過矣風 しナラ潜言

諸篇願語之曰此乃可謂策耳吾晉楚録文豈能及哉 嘗為人序其文中有妄庸之幾或曰妄誠有之未必庸 傳赞屬予書之蓋曰千載有公經韓歐陽子豈異趨久 也先生曰子未之思耳唯庸故安唯妄益庸聞者莫不 心厭馬當是時吳之以高文稱者曰王司冠元美其始 而始傷而司鬼季子時為予言公之歸也嘗讀蘇應詔 不無具同及歸自留都從其家求畫像摹為小幅系以 度不敢少自她顧其深知我者舉世僅數公而已先生

金牙匹库在書

汉定日事全書 双 於流俗人之作矣父執傅士凱張茂仁兩先生嘗見語 子之獲聞緒言暴窺見其概者盖古文辭非科舉之文 粹其應試論策若干首刻而傳之而其孫昌世文休前 子以是數服司冠脫年識益高而心益下盖如此而世 也顧其時出緒餘以應有司之武者要自超然亦不同 其門人者煩詳因屬為之序夫先生之所自得於古而 之君子或未必知之也先生之從季弟有達非聞前董 謂余居常服膺先生之文於今時特為真正又所聞於 學方緒言

於文休庶幾以俟後之君子當有讀是集而悠然會心 其他文之禹雅者乎竊念予即有論說不足以盡先生 而 不能破的而世已爭傳誦之況其得之審諦者乎又況 先生少當就試論衣安任限自言學未成史書未淹贯 其比若其縱談理學出入於南宋諸儒會通其說而發 曰吾師之論泰伯至德聖人之心無窮場屋之丈未有 "以汪洋超忽殆得之莊子他人莫能企而及也又曰 私喜其姓名得附見于兹集則站述夙昔所聞以復

言語文字求之即單詞片語要為騰耳岩夫領之於心 法門然則詞彌繁意彌廣其皆道之所不存數雖然以 謂强而名之曰道也吾夫子不云乎予欲無言又曰吾 老子曰道之出口澹乎其無味夫無味也而猶言之所 |截其與時之人異者者其終以聚積故實現繪語句為 無行而不與而釋氏之書亦稱默然無言是真實不二 工則斯文雖勿刻可也 石巖先生澹語序

文之四事 至

學古緒言

進乎罷矣不然彼獨非孔子所從問禮者耶若釋氏之 洗洋宏肆崇虚者狗之執有者非之而儒之能通其說 言之指也老氏之玄益為尹喜者書所言皆道德之意 之上而達於道小人由之下而達於罷罷之所不可知 於刑述六經而要歸於平實所以為儒者宗也君子由 不可言者道也以俟能者從馬固不容誣也此夫子無 乎論語記孔子之各問可謂要言不煩矣顧其詳乃在 措之於躬由博而之乎約雖洋洋纜纜安在其不為澹

女酒云者為其未離乎味也口用是爽醇用是酶矣則 予以謂調五味而侑五齊斯亦味之美已而必曰大羹 後疏其所自得以託於大方名之曰澹語而屬為序之 之於二氏蓋舉世之能為言者皆咀嚼而飲其膏矣然 不立而道乃玄同矣石嚴先生之為是編也由孔氏而 始不合於澹以不言言之以無味味之門戶不分諍論 也其為六經耶五千言耶十二部耶靡不味其腴而未 |者至謂與易論語合然則離之而三可也合之而一可 · /· / ... / 1.1 | 1.3/ 學古緒言

金好匹库在書 於身見之於行事後之為言語文章一而已矣其君知 或連蹇不得志以及其幸而進用舉世望之以為顯崇 說說馬號易牙以羞於人者吾知先生之所必不許也 莫若澹然一泯之於無酸酸甘苦曽莫得而名之而猶 雖其人亦自謂遭時而中所蓄積果獲自效於用者不 亦鮮哉豈立功與言固不可得煎數夫古之君子修之 自昔以文章名世而傳於後者或終老無所遇即遇也 北海集後序代

聚之學與而士不必有其志言不必施於用其法屢變 をとううとう 国 **蚤獲自見又幸為詞學之臣者其無乃以政學乎雖** 為之者一遇於時而皆置之於無用即有過人之才非 趨於尚簡以徼幸一日之遇其平居相與疲精竭思以 而屢窮薄詩賦而求之以明經以論策似也而士且日 思有所垂於後於是乎不得已而言出豈有二哉自科 成君非知也與之異而擠排之者東也無所望於進而 之與之儕者能容之吾何敢負也於是馬不得已而功 學古緒言

矣當公在經庭欲借講說以規切時事上自戰國下速 養元元又先後數考文章登用俊良備朝廷罷使世成 朝及强而貳冢宰分别賢不肖以肅吏治以佐天子惠 東漢之季為通鑑直講一編反覆諄切其言簡而明讀 其遗文豈不深可惜哉故禮部尚書北海馮公弱冠登 若上方總用而用之未盡其才乃又以中道天閼者攬 多厂厂厅 之早矣進而窺金匮石室之藏矣其用與舎未可期也 以為能舉其職上方將用公於調變而公不及待以及 1:1:1 ラスラー・ハニー 永年上之能盡公與否所不可知其不勝世道之憂而 回天之力馬公之不獲盡其才用也豈非天哉使公得 稅之使侵官盡民凡所以調護其間皆詞婉意深默有 師東西擾攘忠憤所發皆見於其書及身為大僚而礦 之凜然庶幾釋而改乎斯日月以冀矣時朔方强勁之 知人主實深顧不推盡見於行事而猶託於文字以傳 今方為吏東吳得公遺集較而刻之獨惜公之早達受 見於論列者又當何如也其昔薦於南省實出公門下 N. 學古緒言 盂

金定四库全書 也若夫序公之詩若文者則有宗伯于公之言在金克四库全書 學古緒言卷

垂之後世成考信馬其不遇則屏居自晦已耳然中有 **未忘猶數該歌先王自見其意於言表者蓋多有之岩** 夫士志於當世其遇則名實加於上下一時言論風采 くとうう とうす 欽定四庫全書 學古緒言卷二 序十五首 **綏山先生集序** 學古緒言 明 婁堅 撰

其為文章項刻干言若江河決而日星明也少喜為詩 之遗文所為攬涕而殺之者也子之識君自其南冠坦 言文字以有傳於後良足悲矣嗚呼此子於王君辰玉 夫遭時顯名矣而徒揚其芬未如其實乃僅僅託於語 出入古今之間初若不拘拘而卒與之合要歸於刻露 其內行淳備平居於物無所好而獨好觀古人之書終 然以夷邈然以遠不可得而親疎者也既而與之習悉 日在花丹鉛其傍而識之敏而加勤學日益而意愈下

詩似差勝他日發篋以屬執友其其詮擇而欲之亦吾 ここうこことごう 之條然者其識高其自得者深雖卒然而吐其中所欲 志之所存也盖余昔當語君文不當以時代論也凡 尤怪怪也且曰吾於古詩文能窺其藩未造其城也然 |第二人推官編修念文肅公之老也旋上疏乞終養奉 親之暇將益完心當世之務曾未幾而病困頓數年竟 駿發非尚然也年垂此始舉於鄉又十餘年而以進士 不起悲夫病革手疏告其子皆生人之大節於忠孝 學古緒言

言者乎故余般君之文獨惜其志在當世而不及於施 論者一何陋數君慨然數曰今之世其誰復可告以斯 言必有異於流俗斯以為可傳而已如陸宣公其文詞 能為中世士大夫之習而砭其膏肓退不獲扶古聖順 用其詞或鬱舒悲憤或慷慨激昂羞直取以寄馬進未 文章經世之大業也而區區馬以世之先後詢之難易 **当有異時之人哉而至今稱其奏議與贾生将何毅以** 公之所言皆切於匡主濟時鑿然有所不可易耳故曰

ちんりう 人子う 故以是名其集於乎其亦可悲也已 意今者或已游其神於大虚寥廓子則循有足慰者乎 颇有游馋之志所嘗以自號也遜之盖不勝悼念以謂 文凡若干卷皆録其大畧而已曰終山先生者君少時 人咨嗟數息而不能巴固予所以序斯文之指也君詩 人之與以為時耳目徒負其才抗其志而泯泯以致使 君之才與其志行之不茍既幸遭時而終無所效於世 錢密緯寒玉齊詩序 學古緒言

展之有得於此必 有妨於彼吾見其兩乖矣未見其並 · 覧其文意深而緒密非敏且勤弗能也明日獲共若沖 南霽人也予為言今之經義與詞賦 迎然分途即才能 先生登眺從容夜深乃别雖玄心質行非造次可盡知 昨歲子遊京口於友人陳仲醇丹中與密維相識因得 不言詩出其詩數篇縣讀之如風雨過而晴日在軒庭 五言古三十韻以寄其慨慕馬自後密緯數過從未當 其超然脫去世俗而游於埃塩之表也為賦長句四韻

寒終有合乎盖子嘗折臂於斯矣密緯不以余言為迕 詣也頗疑經義屢變而彌淺是可順售也非若詞賦似 能及也以密緯之勤敬而求合有司之尺度又三年希 靡而源遠不可襲取也盍先為可售而徐及於深造庶 為也然彼是各一途而吾欲迫而强合之亦非力之所 而低回首肯者久之别一年所聞其復不告於有司方 有不中程矣則吾願與子終言詩必也博綜以済其源 為恨然而寒玉齊一編至矣夫遇不遇固非人之所得 スプロリア・ファン・ 學古清言

| 驚鈍既拙於爭時又您於虛名終身窮初不自悔終身 唐之遗音將亦時見於宋之作者而喋喋馬沿襲口耳 裁則母於華靡而務力通其所從尚能是即漢魏晉 侯泉之自歸持論則母祖於時代而但諦觀其所就取 |金定匹庫全書 觀昔賢之論譬文章於懸衛今子之詩固已使予 深思以極其趣母眩於俗以需中之自得好急於名以 以輕肆武告者或實未有窺也密緯以為然耶不耶吾 而俯他日功益專增益重吾首之至地夫何疑顧如 1 服膺

學老而無成又以是薦之密緯何也 韓之說獨行於世逮宋程朱二氏出而學者又廢王韓 六經皆聖人之書易為最幽深矣楊子雲作太玄以擬 粹而錄之人屬為序之其亦可以已乎曰是一代之制 往往謬襲将師之曲說尚以邀一旦之遇而已然則薈 之儒者譏馬然要為能知易者自漢儒之易不傳而王 不復講今之為文以應有司之求者名為推本朱氏而 17.17 min 1.1.15 易經程墨文選序 學古緒言

勝之亦其宜矣然自朴而之藻勢之所必趨也藻極而 直者未必是而今之藻鎖者未必非也有司者第甲乙 而登進之四方之學者爭操觚而擬之又務為新特以 化弘治而迄於今文辭之在録者可以觀世馬昔之朴 上以此取士故讀仲鳴之所詮次而其人可知也自成 金テロルノニー 乎此實世道之憂已唐詩之溫許皮陸宋文之吕楊陳 而士所由以進也其言不必為傳翼也言不必翼傳而 反於樸猶挽江河而之西也今又當變矣將變而何之

於運鈍平淡近於枯寂反擯而莫之收此孔子所謂 是不足以争時也士以是日趨於詩張論能而敦樸近 求於力之所不及矣其詞彌誕其恆彌彰耳彼以為 者唯斤斤馬有所守而不敢肆故寧不盡其才今且過 豈皆能出乎古然而必務勝乎其前是果能有勝乎昔 傅之合與否也夫昔人之才豈反不逮今而今人之才 昔之變將孰置是非於其問乎曰是存乎解而不在乎

廖其言語非不工也當時以為儀的馬自今而讀之今

游最習相與論文煩數數站以是塞其請不知仲鳴以 者其無廢王韓而以歐蘇之說參考之可馬吾與仲 其說始於明允彼所自謂有易以來未之有也志乎易 嘗讀歐陽永叔童子問而是之既又得蘇子瞻易解盖 意也然今之言經義者必推歸卒未有能速也豈非積 意經學工力甚苦至為應武之文伸紙疾書初未當經 飲定匹庫全書 之厚者不求異而人自異之耶若夫易吾不能知也向 知言無以知人也豈不亦可惜哉往時歸熙甫先生銳 W 8

為然乎否也 鈞玄録者沈子下帷修業之所輯也或曰玄之為言 僅一二人知之今之業文者殺求知於人人而乃託於 深微渺之名也而以稱斯編何數夫性與天道孔氏之 人所不能知之玄又得無與希世之術謬數予應之曰 及門者猶不得聞今之文直義疏之餘耳而烏在其玄 若果玄也則無乃離其本數昔人作玄以擬易舉世 吳江沈祖均選刻鉤玄錄序 勢う者言

者而鉤之也假今後先錯列則震澤毘陵二先生幾同 昔之玄合一代之作者而鉤之也今之玄就一時之能 昔有編詩而以極玄又玄名其或與之類數是又不然 葉靡靡馬以為悅於目而快於心也則宜謂之玄矣益 具腐神奇之选變至於斯藝而極今時則又甚馬凡與 於編者其人皆已售於當世既有司以為工而天下之 沈子之所為輯也時之人以為玄則從而玄之已耳夫 人亦愈然趨之不必深於撰述之旨也而其言皆有枝

一好定匹库全書

者今雖五尺童子試一操觚而泉且能為奇馬則今昔 子以為世之君子非其才不足以與於斯文而謭詢狗 者有合馬不耶易牙之調世或不嗜馬時之所為也沈 之異當孰處玄乎夫玄不玄非吾所能知也飲食不可 爾必欲就斯編而詰其所以為玄者微獨吾與沈子不 拘以是古非今為者要為無意於當世故其所詮擇云 無鹽梅而味嘗在醎酸之外若此者玄耶不耶與是編 子之覆執兵雖然前人之作歷百年而未有能總之 5 事与猪

特不可論於進取夫士不必短於才也雖得號為工文 辭者未能無慶也主司不必劣於識也雖得號為有鑒 子嘗謂文之工拙如百物在市肆咸有定價雖復低昂 能言雖其人亦不能自知之也夫如是則吾將以其不 而混美惡之常不已過乎雖然工與拙則必有分矣而 以獲售要於其常終不得而易也世乃欲以愛憎之厳 可知而名之曰玄矣 二王公車義序

失眩其中而卒迫因其外於累泰未必合而天機未必 者亦往往誤見録馬士徽幸於能遇則妄意以投主司 十二三馬是猶有一二人者在必不得之數 也如使得 程度而求之其得者十五六馬畧玄黄而取之其得者 而離母不及而合也甚且以不及之實而節為過之形 動也庸可徒冀人以格外之賞哉雖然其在於今則又 × 110. 有異馬上唯恐才士之失也見似才者而輒收之寧遇 /111 學古緒言

裁者未能無爽也士或稱心以言有合有離上之人操

子讀而數曰夫二君者則誠工於文矣盖伯相之長在 金安匹库全書 哉然而二君之文固在也雖不能盡知其奇者亦不謂 抑可謂不感於流俗者也自己未北還出箧中文示予 皆知病之而其流幾於不可返矣若兩王生伯栩問仲 横溢而剧仲之長在組織其程度其天機世無工倕亦 之好上之人以憐才受欺而下之人以茍得長偽世亦 能必之於有司則豈非文之工拙誠不可以論進取乎 知其不失尺寸也世無伯樂亦知其超逸絕塵也而不 

我好之而昂其直也韓退之有言吾文自謂大好人必 君審矣抑老子曰知常曰明否武言其常以俟世之能 售亦非待價而沾之道也余久因場屋念當遂棄去而 大笑之夫如是雖或有疵二君文者容何傷乎夫以干 二君以平日之雅顧今我所為文夫子言之不足重二 金享做帚者非也見世有實無石者而還疑璞玉之難 君者馬 張伯隅稿序 丁古精言

銀定匹库全書 則其能為之者夫勝人而取於人斯有不得而必者矣 為傑然者也非好學深思需之以歲月而中有所自得 東於排偶然而能者亦往往微見其智中之奇讀之知 子嘗論制舉之文意不必創而依於傅注法不必古 自學術日衰世多以貪常嗜項得之遂謂文固宜然鳥 令自困若此夫審發巧心受嗤拙目從古已然而乃 用 "高爭鉤棘以為工羣 好古而不適於時為哉而炫奇之士則又託玄虚以 聚而姗笑曰文何必雅馴 而 而

<u>k</u>

是之相與礪鉄括羽之日久其文之豐蔚如其先司 區區之得失定其工批亦過甚矣乎友人張伯隅聞而 質之伯隅往時有司之考文章也唯程度之拘故文之 |持者比就試而掉鞅無前若贅鳥之擊不極其力不止 **剱功益專今伯隅既得之兵吾請以伯隅之所以自得** 公而潛思指極益進而未已也既連擴於有司而氣益 サンプロコロ 人にから 寬竊而姜茶者得倖進馬伯問雖學為温潤綿密而竟 不能得也於是益務去其出角以求合於時幾不能 T 學古緒言 馬 自

間審矣伯隅將盡出其案中之文以觀於人人而予為 是既能得之而猶有不可必也其不當較量於得失之 同舉於鄉先之者且若干人豈其文盡出伯隅右哉則 收者以伯隅之宕而能法瞻而能潔宜不後人而一時 之序盖喜伯隅之遭而并以解於世俗之相笑者也 灰人陸孟祥仲鳴兄弟居憂之明年既小祥矣痛念泰 二陸讀禮草序

而會典試者冀得偉異之才棄瑕求瑜尚駭於目無不

金牙匹尼

- Co I Dien / L' in 據暮年肚心隱隱見眉睫間也辛夘之秋攜二子試留 传先生酒酣慷慨殺說生平及論為文利病皆鑿然 不忍讀父之書數乃所謂如有聞其音聲者數予循憶 矣爾吾不獨喜其文辭而已夫二君者之為之也異乎 出水特為鮮妍而時雜宋人楮葉文若是其遇於時必 初先生白首場屋不遇以發相與站哀績學其文日益 渥注名駒不可控制而乃能抑受街勒仲鳴文若芙蕖 工同社之友遂合其小武諸篇録而授之梓孟祥文若 學古緒言

其中心有所感激誠不能自己耳既咸嬪於有司問一 都聞人傳一 徒以夸世而競名也懼吾今之未必然而功力之或未 悲慘戚之懷一寫之於文以求合於時故能若是工也 早自奮以畢先生之志世之訾議必有歸矣今以其哀 過從則先生病欲殆矣嗟夫使二君者而徇禮之末不 而出予私憐其意以為士之志於當世者豈好自苦哉 然二君固為予言之矣曰吾兄弟之嘔心而為此 題不移唇即袖其文以示追三場皆盡夜

金厂匹尼工言

・くなう マンチョ 之序夫將為名乎吾少非濫等晚復罷瑟泉所同去也 馬今將豪其所課求四方是正而謬以士安見推請為 子員間里數美比於河東之降且調玻瑪機雲猶讓 長者舞泉少纜九齡耳又二歲丙午而同日補博士弟 侯氏三少如兒駒縣風聯翩並為子昔有詩贈之時則 至冀夫爱我者之弱我而以慰吾之心也子可無為我 言乎因述其意以為讀禮草飲 |侯日課小引 學古緒言

**越氣而前則當之者辟易不必其儒雅也擇言而止 矜奇不已忍乎然則何塗之從耶唯氣與醉咸謂殆庶** 聞之者解順不必其諦當也此於工拙利鈍宜有合矣 率三年而面目為一變也尚徒以拾極為解悟學步為 夫聖賢之微與經百家而停注其能窮也經生之帖 亦能言之指趣為宗標格為異青藻為華不越此三矣 而何名可借將以為實乎浮洲渚者不以艨艟穿林麓 不以列腳又實之所不在矣雖然今之該經義者吾

釋孟氏知言合之於世道人心而豁然以悟悚然以懼 而且為三俊少願之乎聊以寓衰世之感而已頃者尋 言也其必為達人所辦笑抑有命馬不可得而力爭也 也所以出之而易為工其似也所以投之而易為入斯 而姑以此蹇今日之請戊申冬杪通家老友甚哉 而或又相左何數吾嘗武祸之必也似之而非乎其非 知吾向之未始讀孟子也何時當相與劇談此義 嘉定縣均役册序 利子 ラー・ショ 当

嘉定於吳為瀕海下邑沙浮而川涸常仰食於四方之 ·章之所戴生不與馬蓋自漕折以來迄於今其處額類 颶風来潮所推折飄蕩弘無留些而都壞之稅於自 穫種宜木棉然而夏秋之交或熄以枯或潦而腐加以 者貧不任役者常有八十萬畝之餘而海壖之潟鹵蘆 也盡其始受事而聞於邑之人者如此及按籍而稽之 二十五萬畝而足士大夫之不往役者民之役而得代 田之在戶者凡一百三十萬弘而贏其役於官者歲以 **基**.

之於朝請依會典限田之制而酌議免役馬品官而 如此去歲庚成御史中还徐公其以巡撫沿治三吳圖 こう・こ 與庶民均已得旨下所部州縣盡發花能宿盡與之更 瘼矣害且貼之國家甚非所以恤下而忠上也具疏言 而異又江南之尤也向者患占田不實役使不均民之 政之鉅飽運為先裕國之儲賦斂為巫江以南賦最重 以次為之等差靡不有加然後率所贏田而役其丁 獨嘉定令缺前後來署事者數更易無照反緣為奸 學古場言 下

金好四年全 利公又燭厥隱蔽行縣覆簡數而其適受朝命來為公 應之日爾之都譬病甚而以樂石起之效在通邑之人 來給曰漕不折役不以排年吾民不死而從耳令者賴 **像私各歸之於户而定其重輕之役凡五年以請於公** 悅服籍成刊而布之甚宜飲公之德意以垂於久遠有 而行之民間計役之田視昔加十萬馬始之詳者終而 屬吏於是勾稽剔抉復得花分說寄之田十七萬五千 天子之恩得安於田配役之不均殆未若鄰境之亟乎

邑懸矣已又均派而别以其剩抵他所徵則已清又或 芬故均之難往者獲奉上俞旨蠲漕之諸貴派徵視都 故均之易計弘而賦之賦不能無通其急緩或偏且 事已而次第減免矣植復徵之復輸之則非法或量田 然矣夫籍田而役之役各視所當其劇易已分且歲更 五臟以見功乎吾恐秦越人之不數遇也則又曰是固 ていすか こう 且輸兵而不入於司農後又責之民或用軍與加 學古緒言 志 編 日

譬病此而以梁肉養之利在遠而必欲消洗腸胃激

普而所圖於民者大者概之於平也必自解馬斗升 侯 先也亟圖之則政之平如役矣其於是情然未有以 也竊以謂朝廷設官理人自州縣之長已得比於古諸 能詰也毒良惠顽且滋擾凡若此者皆在事者之所宜 )肤瘠而為之則矣而受財散法者萬下在心長吏不 問矣位平則病療切而所圖於民者詳若銀之在藏 上至中丞而基贵矣實古連率之任也任重則德苑 而數之即萬億自此親矣公今既先其大者其也 卷二 應

人でコランけり 古所稱南方之學得其精華信矣已問知其舉於鄉者 疏導之宜如親至其地者且曰夫學猶是也不循其源 予始至嘉定士或謁子而譚治河其指畫舊坊與今 之有過從者與語移時叩其中所欲言往往令人解颐 不足以合於道不通其塞不足以適於時予聞而心異 不見勉於其詳以庶幾從公之後且一塞言者之意 選刻邑學諸生經義序代 學古緒吉 日

或奉一世而誠訾馬以為不得者拙耶是固然矣假 自 拙存乎人得與失懸乎天此不同途而超也能必其果 抑有幸不幸耶有儒一生詣余而請曰先生亦知工與 率不能過十人私怪士之售者少也及武禮部則此十 以其言而筆之得之者之牘或亦過而賞馬且此一 人之中其得薦者又不後於郡之人馬豈其投誠然耶 解皆感矣以為得之者工耶其所以得者文具在也 值與世以其不相值也而歐嘲吾以其適相值也而

金牙巴尼 二百

予從蔣先生次第諸生之文姑就予所見而以質於 耶子曰子言類有道者時昔之言治河殆子之徒數故 · 詩學其用於世者而不務修其詞以求其合是亦吾罪 幸而得不幸以失者猶未為害也士亦務吾學而已夫 也辭之修兵其得與失不與吾事馬先生以為然乎否 滷 安知考文章者之必出於是數吾以謂言語之工未必 · ) 用之具也要以匪是則末由詮擇馬耳夫如是雖有 人馬以為工又一人馬以為拙必是與非分馬夫 學一緒言

子生長於母雖刻苦自力常恨不得游於四方以開 於末簡者夫邑人士之學問淵源與師師者之造就則 其意處乙未始獲以赀至京師浮江涉淮過齊魯之郊 今天下文學之士江以南為最若東吳又江南之尤也 有二先生之言在 瀾之潰隄防汨陵谷以至於禍天下也因識其說以附 人不敢言利鈍也有棄其本而以爭時為得計吾恐狂 選刻邑學諸生經義後序代

金定匹库全書

備二十人武於合肥與俱往返極登 臨觞詠之道中 實所自幸而快意者也比至未幾奉督學陳公徽率 洒 鄙而為異士人師中不能無慙然風告所懷一 延陵季子之遗而訪問六朝遺蹟且觀古今人相去逐 土風之美與其賢士大夫之清華妙麗輔思一 こうういこ 不遠也已謁選得蘇之嘉定學訓導以行竊念子之朴 經逢萬里耳目所聞見日新往往聞人稱說江東山 然還而諸生以次來謁雅雅偷偷進止皆可觀已從 學古绪言 扎 遊馬 朝魁之 [וע 书

觀其成馬兹錄也自去年夏以迄於今諸生之文之工 矣務為作與長育以成人士之才不梳以齊民之役折 文章胡先生又自四州來佐之故以子之不敏而獲樂 巧運規矩之中或才美而礙逸不羈如駿馬方躬康莊 困之以故士得禪其力於藝文而趙先生素得號為能 文盛之邦不克至是也而是時慈點王公為邑之日久 會稽趙先生後得覽觀其文辭雖所指不同要非生於 人各採擇以見其大凡或學成而方圓合度如大匠

金牙四人人

長老者如是價其指亦無以異子如曰古今人不相 源必卓然有異而學之文章自唐元和柳柳州始有師 深观而且自以為慰者也夫吳子游之鄉也其文學淵 琅琅而已吾鄉學者至於今尊之不廢而予之得聞於 法其相去固已遠兵柳之言曰文以明道非茍為炳 而務為俗學馬唯繡其輩悅是務則非予所望於文 人遊而又得編觀其文且以服為之品第馬此固予所 子古精言 Í

之足盖予向之想慕其地而欲

至馬者得從客與其

者因不復自知而世且妄推之謂是當勝於人而取於 故矣邑故多老師宿儒凡讀書論文多得之歸太僕先 自士以剽竊為文索意愈深而實離屬辭愈妍而實陋 之尤者也 衛嗟夫此昔人之所以數為種相承也非 主司亦能知之而誤祸以為才也反亟收之其人之得 矣且相與做效以為之及他日在事則又操是以為 武先生校士録序 代 一朝一 タミ

多定匹库全書

生歸既晚達其才不能逮而效之者益更潤缺坐是或 與世之巧捷者並驅而爭先矣乃不以屢蹶而棄之很 留課諸生於二三月間得文若干首選而刻之謂是 年冬華亭王先生既北上武於禮部而溧水武先生獨 說遇可以獲禽子於是邑之少俊咸思改縣而從馬去 終因世之能捷得者遂用相誠皆謂得失果在我不聞 可

以知之解不敢當先生笑曰子之玉未嘗獻而足固未 屬為之序其也質魯而意遠好古而不宜於今其何足 ペイヨラ こま

學古緒言

Ī

書別也好武之庸何傷竊以謂唯耕而獲 獵而餐者乃 重為世俗之所詳獨諸君子之途轍更矣其必將賜願 自 越雖不悔亦不敢以進也 足於康莊無疑也若夫區區之所守壁之資章甫而適 可以論於稼穑之利搏擊之能耳終不敢開口而論以 為嘉定之三年而将先生來自顧右未期月胡先生 淮南渡江先後至為諸生師其明年六月會稽趙先 三先生選刻經義序代

於取士為先且重然其體率數年而小變變而之城則 不能工而施於用者亦往往鹵养而不得其當故經義 然而非精研傳注之學以求合於聖賢之旨則其文多 諸行事而問發為文章以潤飾太平獨經義幾於無用 子子以謂士之用世其討論古令而學畫常世之務見 尤指俸入刻馬以致其與借之意而率諸生來問序於 當是時二先生實左提右挈數追諸生武之拔其文之 生應聘為考官山西巴中進士乙榜握知柱陽州以去

段之日 声です

學古緒言

鄉之人者未有聞馬盖自王文恪公時已稱其長材秀 有志節而出仕於時皆能有所自樹若沒沒馬以观 者有隱憂馬嘉定僻在吳東偏俗號簡質其人多負氣 以漸喪蒸績之過質以無餘又其為於得者我情帖 得礦馬选相勝而互相非其大凡也至於雕鏤之極樸 而衰則求為麗適得靡馬求為奇適得談馬求為健適 朴鄙者以華然拍牽者以超然而姜茶者以傑然其變 而 謂博宗者迁專事副剥而謂獨殺者愚漸染成風識 括

ASIDIO LIAMO 他日者之用於世能無苟且而冒沒者希矣今諸生之 也去尚為陸飾之文以競時而爭名世俗必以為然其 隨俗汨没以故變而未即於衰雖然吾懼夫遊然者之 未幾而靡也超然者之未幾而誕以礦也夫士患不能 何患莫知茍能矣而或不見知是有命馬不可得而强 又百二十餘年矣風氣日益以開而學問獨有淵源不 其尤也雅自負與文恪爭鳴追選於禮部名即相亞今 民有出於他郡邑之上者而舉業之文則全式之先生 學古緒言

知射也而烏能言之顧往時見士孫與其友孫優正履 志抑亦吏於兹土者之光也 所成就決不止於進士髙第也審矣夫豈獨二先生之 之哉毋尚為變而不虞其衰毋急於名而遂遺其實其 文具在也其所致力於學而求為可知者必能自信其 如也有二先生以策勵之又從而揚其名聲於時勉 人錢士孫既撰次射評寄示予且屬為之序子不能 錢士孫射評序

次是日年 三百 與追論其所以口如此而得如此而失三人者亦未當 有惘然而已况於鎮夫望屠門而大嚼聞管弦而竊數 者乃欲以不習知耶今夫貴人之家耳非不厭八音口 耶即言之君亦欣然而赏之其不可得而言者君終不 能盡之也予退而思其言數曰事固有習之而不能知 不相視而笑也子又從問之則曰吾豈能為不知者言 和兄弟數聚而較射未當不往觀馬射畢沒弓囊天相 不厭五味也至問其所以官商相宣酸誠相和者彼 學占緒言 盂

盖天限之也若心固能通其理矣士孫之射固已得 於心應之於手豈獨天性實由積習而然宜其能言之 聞有古人之遺蹟輒住求觀之若錢渴然予之不能書 語文章雖世所號為能者重而習之逮老而好之尚不 也古之言射者如所云贯融之心去楊葉百步而百中 之者自以少即好學書每觀古人之論輒三復而思之 足以窥作者之用心況下此者乎然予不辭為士孫序

者顧可以語此哉天下聰明絕異之資往往用之於言

なる 引き こう 中石没錄不數十步內不輕發此則誠然耳士孫以為 即不能知如予者亦必不至於疑怪其言也昔士孫未 筆之於書竊意知者見之當如孫氏兄弟之真逆於心 立功絕域之外矣一不為世俗所容年未及衰去士伍 然乎否耶夫士孫既以才勇用於當世推折方張之敵 正如書家之言徑寸千字皆極論其妙非必盡然也唯 **侣田夫方將灌畦種樹求為尋常無聞之人以自老** 以其所自得於射者與世之所習聞者異不得已而 學占緒言

士孫或又出一 士孫好種植又往往能言人之所不能言豈其天性 建厂区 之實不能知之者也 時與二孫就武都城於時四郡之士成集而見其射 今尚未為時用追士之遇合果不在於能也數近聞 無不啧啧數息以為能士孫既免歸而履正天死履 如易牙之於味師曠之於靡故其知之為獨易也與 贈王先生試禮部序 一編將復為序之者予者殆所調徒好言

- ハーフラーハナラ 能於聖賢人之指則何以拘拘謭湖為主司患不知 士患不學不患其好為異也該學矣即有所異同要不 知自動勵無怠然至有司考文章凡先生之所知售者 美名而負屈稱以淹於兹土唯吾黨從先生游由所 與諸生别酒半有執爵而言者曰唯先生績學猶言者 以青衰進也寧失才務謹守其師說是則然矣竊以為 十而一豈果不合於時之程度數夫為有司者懼士之 學古緒言 丟

華亭王先生來教嘉定三年矣處十月當偕計上南宫

豈可謂能得哉先生行矣將卒守其學唯在我者之信 益士當進而妄號為青矣或誤以為才而收馬已而漸 謬為形以應而主司直虚為名以自解也等謬與虛耳 不必張一目以為羅也当唯拘拘馬謭謭馬不務得士 厭薄之士又將退而妄託於平若又誤而收馬是士終 若出於絕士以求自為解此亦非知言者之所出也 也雖平亦能也是猶鄉恩之託於中庸說遇而獲學 不虞失時乎將亦少貶而說為之形數夫非獨奇者

בילתום וופו לואום -一昔人之所强也世更相與慕效之而尚莫克以為況於 今之文章以聚積故實為有學以現績語句為精新此 其棄之也懲於往而不必許於今告於人而不必持於 吾終不敢以敗有司矣或有笑而應者曰先生慎之哉 已不知命無以為君子且吾不幸不養遇於時猶幸與 道者不以為感乎先生雙然曰吾平日相與語者謂何 人之見收為已榮也且向之妄為奇者寧能盡有合乎 二三子優游以從事於斯文也夫亦中有樂馬非獨以 學古緒言

請觴之夫上之人謂士無實學易下之人謂上無知言 難且子之言以為世卒無有能知者激也先生之言以 守吾之學而又安所之耶則又有整冠捉於而前者曰 人之贈處遂不辭而書之 瞬之口敬受賜泉咸謂其宜飲次其言以竊比於古 學古緒言卷二 問能知言者馬吾不敢誣也於是先生起執爵 而站有待馬正也先生今將遇矣謂世果